

藍田李玉甫以即聖人嘉靖癸未進士授河南道御史出按陝

西修舊政奏所當興革者十數事文名與閩中原

海山右馬理相鼎峙而行義尤高著有藍侍御集

東歸倡和白齋表話等書者年白孫白玉公羽其父章

成化甲辰進士貴州道監察御史巡按山西瑾敗後起

巡撫陝西父子事蹟均詳載於史并曾者即聖姝志

雲臺編序

谷勤苦於風雅者自騎竹之年則有賦詠雖屬

對聲律未暢而不無旨諷同年夫人故川守李

公册同增增夫人馬博士戴嘗撫頂歎勉謂他日

必垂名及冠則編軸盈笥求試春闈歷干於大

匠故少師相國太原公深推獎之故薛許昌能

李達州頗不以晚輩見待預故一作於唱和之流

而忝所得未多游舉場凡十六年著述近千餘

首自可者無幾登第之後孜孜不勞甚於始學

也喪亂奔離散墜略盡軋寧初上幸三峯朝謁

多暇寓止雲臺道舍因以所記得章句綴于牋

毫或得於故侯屋壁或聞於江左近儒或紙首
一聯或不知落句遂拾墜補遺編成三百首分
爲上中下三卷目之爲雲臺編所不能自負初
心非敢矜於作者

雲臺編目錄

卷上

都官郎中鄭谷

別同志

登杭州城

感興

送盧棨東歸

曲江春草

雪中偶題

題默公院

輦下冬暮詠懷

鷓鴣

江上阻風

石城

蜀中春日

十日菊

鷺絲鳥

奉試張曲江池

沙苑

寄獻從叔郎中

望湘亭

寄贈陸肱郎中

巴賓旅寓

哭建州李負外

曲江

送顏明經歸

少華甘露寺

柳

越鳥

懷寄所知

送田光

贈圓昉公

燕

書唐昌官署壁

淮上漁者

興州江館

寄題方干處士

不得張喬消息

華山

題王駕郊居

通川客舍

寄獻湖洲從叔

秘閣伴直

寄膳部李郎中

採桑

題題

獻薛常侍

遊蜀

投所知

淮上與友人別

水

七祖院小山

忍公小軒二首

傳經院壁畫松

寄贈孫路處士

送張逸人

慈恩寺偶題

侯家鷓鴣

送進士許彬

寄獻李郎中

題莊嚴寺僧院

潼關道中

終南白鶴觀

訪題孫秦所居

宿澄泉蘭若

送趙能卿

送人遊邊

懷寄嵇處士

送祠部曹郎中

聞所知遊樊川

題寂上人院

送人之九江

張谷田舍

寄賈負外

贈文士王雄

送韋序赴舉

題興善寺

貧女吟

寄南浦謫官

水鄉抒懷

訪題張喬所居

寄贈梁燭處士

為人題

尋陽姚宰廳作

渠江旅思

興州東池

賀駱用錫登第

送許棠之官

席上賦胡蝶

題嵩高隱者居

南游

送徐渙南歸

寄酬高蟾先輩

府試木向榮

題無本小齋

贈日東鑿禪師

獻制誥楊舍人

蜀中賞海棠

再經南陽

讀李白集

別無本上人

訪姨兄渭口別墅

席上貽歌者

松溪八韻

卷中

舟次通泉精舍

水軒

中秋值雨寄李樊

江際

梓潼歲暮

贈別

蓮葉

東蜀春晚

遇裴晤話舊二首

送吳正保

野步

諫垣明日轉對

伴趙負外省直

春暮詠懷

倦客

早入諫院二首

以四韻換畫鷁絲鳥

喜秀上人相訪

獻丞相十韻

蜀中夏日日貽

寄趙郎中

蓼花

放朝偶作

新春寄懷

重訪禪者

定水寺行香

攝府署自詠

次韻酬張補闕

奔問三峯近野

寄贈楊夔處士

次和王駕韻

荔枝

峽中

順動後藍田作

述感獻憲長

海棠

黃鶯

弔韋負外

舟遇顏惠詹事

弔圓昉上人

杏花

夕陽

水林檎花

鴈

漂泊

上狄右丞

寄同年司封負外

歲陽

寄慕容

錦浦

歌枕

訪元秀上人

漾陂

朝直

感懷投時相

多情

訪題王藻別業

爭慵

巴江

永日有懷

遷客

投時相十韻

南宮寓直

讀許昌薛尚書詩

題汝州從事廳

賀常侍拾遺

寄左省張起居

中秋

送舉子東歸

蜀江有弔

小諫乞菊中栽

寄題詩僧秀公

送王駕歸蒲中

冬暮自貽

書村叟壁

朝謁

峨嵋山

和秀上人韻

寄察院李侍御

用韻重答張起居

槐花

贈富平李宰

旅寓谷南村舍

蜀中三首

寄臺院孫端公

小桃

峽中嘗茶

蠟燭

次和秀上人韻

搖落

郊野

渚宮亂後作

嘉陵

卷末偶題三首

卷下

入閣

郊野

長安感興

詠懷

寄贈韋少府

寄懷元秀上人

回鑿

贈公安宰鄭君

經賈島墓

遊貴侯城南林墅

端居

寄職方李員外

自貽

竹

郊園

弔水部賈員外

燈

池上

贈下第舉公

問題

寄獻集賢公

省中偶作

奔避

送京參公歸閩中

九日偶懷

賀送鄭駕部

還京府署偶題

自遣

中年

春陰

江梅

試筆偶書

敷溪高士

語溪

失鷺鷥

謝盧兵部借示詩集

文昌寓直

街西晚歸

贈咸陽王主簿

感歎自貶

偶書

蔡處士

信美寺岑上人

寄獻狄右丞

忝職都官自賀

下峽

苔錢

寄左省韋起居

代秋扇詞

江行

錦二首

乳毛松

樗里子墓

牡丹

王藥

石柱

哭李洞二首

閑題

寄趙大諫

贈劉神童

殘月如新月

石門山泉

渭陽樓閑望

送潘為南歸

下第退居二首

江宿閩盧管

題李羽招團里居

追紀隱巖別墅

送從叔負外赴辟

寄許郴

靜吟

和知己秋日傷懷

舟行

闕下春日

峽中寓止二首

送曹吏部南歸

謝段替善

贈尚顏上人

遠游

寄邊上從事

偶賦春草碧色

贈泃口苗居士

寄勉顧雲

自適

題海棠

酬寄右省張補闕

菊

荔枝樹

次和江上秋夕韻

讀前集二首

寄張司勳

深居

再訪芳公言公幽齋

雲臺編目錄



雲臺編卷上

都官郎中鄭谷

別同志

所立共寒苦平生同與游
相看臨遠水獨自上孤舟
天澹滄浪晚風悲蘭杜秋
前程吟此景爲子上高樓

登杭州城

漠漠江天外登臨返照間
潮來無別浦木落見他山
沙鳥晴飛遠漁人夜唱閑
歲窮歸未得心逐片帆還

感興



禾黍不陽艷競栽桃李春翻令力耕者半作賣
花人

送進士盧際東歸

灞岸草萋萋離觴我獨攜流年俱老大失意又
東西恍楚山雲蒲春吳水樹低到家梅雨歇猶
有子規啼

曲江春草

花落江堤簇暖煙雨餘草色遠相連香輪莫輟
青青破留與愁人一醉眠

雪中偶題

亂飄僧舍茶煙濕密灑高樓酒力微江上晚來

堪盡處漁人披得一蓑歸

題慈恩寺默公院

雖近曲江居古寺舊山終憶九華峯春來老病
厭迎送翦却牡丹栽野松

輦下冬暮詠懷

永巷閑吟一徑蒿輕肥大笑事風騷煙含紫禁
花期近雪蒲長安酒價高失路漸驚前計錯逢
僧更念此生勞十年春淚催衰颯羞向清流照
鬢黃毛

鷓鴣

暖戲煙蕪錦翼齊品流應得近山雞雨昏青草

湖邊過花落黃陵廟裏啼游子乍聞征袖濕佳人
繞唱翠眉低相呼相應湘江濶苦竹叢深春日西

江上阻風

水天春暗暮寒濃船閉蓬牕細雨中聞道漁家
酒初熟夜來翻喜打頭風

石城

石城昔爲莫愁鄉莫愁魂散石城荒江人依舊
棹舫艫江岸還飛雙鷺鴛帆去帆來風浩渺花
開花落春悲涼煙濃草遠望不盡千古漢陽閑
夕陽

蜀中春日

海棠風外獨沾巾襟袖無端惹蜀塵和暖又逢
桃李日寂寥未是探花人不嫌蟻酒衝愁肺却
憶漁蓑覆病身何事晚來微雨後錦江春學曲

江春

十日菊

節去蜂愁蝶不知曉庭還繞折殘枝自緣今日
人心別未必秋香一夜衰

鷓鴣

閑立春塘煙澹澹靜眠寒葦雨颼颼漁翁歸後
汀沙晚飛不難頭更自由

乾符丙申歲春奉試張曲江池春字

王澤尚通津恩波此日新深疑一夜雨宛似五
湖春泛艷翹振鷺澄清躍紫鱗翠低孤嶼柳香
失半汀蘋鳳輦尋佳境龍舟命近臣桂華如入
手願作從游人

沙苑

茫茫信馬行不似近都城苑吏猶迷路江人莫
問程聚來千嶂出落去一川平日暮客心速愁
聞鴈數聲

從叔郎中誠輟自秋曹分符安陸屬羣
盜猖熾流毒江壖竟以援兵來不城池
失守例削今任却敘省銜退居荆漢之

間頗得琴樽之趣因有寄獻

華省稱前任何慙削一麾滄洲失孤壘白髮出
重圍苦節翻多難空山自喜歸悠悠清漢上漁
者日相依

望湘亭

湘水似伊水湘人非故人登臨獨無語風柳自
搖春

南康郡牧陸肱郎中招許棠先輩爲郡
從事因有寄贈

振鷺思前難爲戀故巢江山多勝境賓主是
貧交飲舫閑依葦琴堂雅結茅夜清僧伴宿水

月在松梢

巴賓旅寓寄朝中從叔

驚秋思浩然信美向巴天獨倚臨江樹初聞落日蟬衰榮悲往事漂泊念多年未便甘休去吾宗盡見憐

哭建州李負外頌

令終歸故里末歲道如初舊友誰爲誌清風豈易書雨墳生野蕨鄉奠釣江魚獨夜吟還泣前年伴直廬

曲江

細草岸西東酒旗搖水風樓臺在煙杪鷓鴣下

沙中翠幄晴相接芳洲夜暫空何人賞秋景興與此時同

送太學顏明經及第東歸

平楚干戈後田園失耦耕艱難登一第離亂者諸兄樹沒春江氣人繁野渡晴閑來思學館猶夢雪聰明

少華甘露寺

石門蘿徑與天鄰雨檜風篁遠近聞飲澗鹿豕雙泝水上樓僧踏一梯雲孤煙薄暮閔城沒遠色初晴渭曲分長欲然香來此宿北林猿鶴舊同羣

柳

半煙半雨江橋畔
映杏映桃山路中
會得離人無限意
千絲萬絮惹春風

越鳥

背霜南雁不到處
倚棹北人初聽時
梅雨滿江春草歇
一聲在荔枝枝

所知從事近藩偶有懷寄

官舍種茨僧對榻
生涯如在舊山貧
酒醒草檄聞殘漏
花落移厨送晚春
水墨畫松清睡眼
雲霞仙毫挂吟身
霜臺狀首思歸切
莫把漁竿逐逸人

送田光

九陌低迷誰問我
五湖流浪可悲君
著書笑破蘇司業
賦詠思齊鄭廣文
理棹好攜三百首
阻風須飲幾千分
未陽江口春山綠
慟哭應尋杜甫墳

贈圓昉公

蜀僧 堅 信 宗 幸 蜀 昉 堅 免 紫 衣

天階讓紫衣
冷格鶴猶卑
道勝嫌名出
身閑覺老遲
晚香延宿火
寒磬度高枝
長說長松寺
他年與我期

燕

年去年來來去忙
春寒煙暝渡瀟湘
低飛綠岸

和梅雨亂入紅樓揀杏梁
閑机硯中闌水淺落花徑
裏得泥香千言萬語無人會
又逐流鶯過短牆

宗人作尉唐昌官署幽勝而又博學精
富得以言譚將欲他之留書屋壁

公堂蕭灑有林泉祇隔首牆是渚田
宗黨相親離亂世春秋閑論戰事年遠
江驚鷺來池口絕頂歸雲過竹邊
風雨夜長同一宿舊將多共憶樊川

淮上漁者

白頭波上白頭翁家逐船移浦浦風
一尺鱸魚

新釣得兒孫吹火荻花中

興州江館

向蜀還秦計未成寒蛩一夜遶牀鳴
愁眠不穩孤燈盡坐聽嘉陵江水聲

寄題方千處士

山雪照湖水漾舟湖畔歸松篁調遠籟
臺謝發清輝野岫分開徑漁家並掩扉
暮年詩力在新句更幽微

久不得張喬消息

天未去程孤沿淮復向吳亂離何處甚
安穩到家無樹盡雲岳野樞稀月滿湖傷
心遶村落應

少舊耕夫

華山

峭仞聳巍巍晴嵐染近畿孤高不可狀圖寫盡
應非絕頂神仙會半空鸞鶴歸雲臺分遠靄樹
谷隱斜暉墜石連村響狂雷發廟威氣中寒渭
閣影外白樓微雲對蓮花落泉橫露掌飛乳懸
危磴滑樵徹上方稀澹沔生真趣逍遙息世機
野花明澗路春蘚滋松園遠洞時聞磬羣僧晝
掩扉他年洗塵骨香火願相依

題進士王駕郊居

前山微有雨永巷淨無塵牛卧籬陰晚鳩鳴村

意春時浮應寡合道在不嫌貧後徑臨陂水菰
蒲是切鄰

通川客舍

奔走失前計淹留非本心已難消水夜况復聽
秋霖漸解已兒語誰憐越客吟黃花徒滿手白
髮不勝簪

寄獻湖州從叔負外

顧渚山邊郡溪將晝盡通遠看城郭裏全在水
雲中西閣歸何晚東吳興未窮茶香紫笋露洲
迥白蘋風歌緩眉低翠杯明蠟翦紅政成尋往
事輟棹問漁翁

秘閣伴直

秘閣鎖書深牆南別晚岑吏人同野鹿庭木似
山林淺井寒燕入迴廊疊蘚侵閑看薛稷鶴共
起五湖心

寄膳部李郎中

昌符

郭郊陪野步早歲偶因詩自後吟新句長愁減
舊知靜燈微落燼寒硯旋生斲夜夜冥搜苦那
能鬢不衰

採桑

曉陌攜籠去桑村路隔淮何如鬪百草賭取鳳
皇釵

悶題

落第春相困無心惜落花荆山歸不得歸得亦
無家

獻大京兆薛常侍能

恥將官業競前途自愛篇章古不如一炷香新
開道院數坊人聚避朝車縱游藉草花垂酒闌
卧臨牕燕拂書唯有明公賞新句秋風不敢憶
鱸魚

游蜀

所向明知是暗投兩行清淚語前流雲橫新塞
遮秦甸花落空山八閩州不分黃鸝驚曉夢唯

應杜宇信春愁梅黃麥綠無歸處可得漂漂愛
浪游

投所知

砌下芝蘭新滿徑門前桃李舊垂陰却應迴念
江邊草放出春煙一寸心

淮上與友人別

楊子江頭楊柳春楊花愁殺渡江人數聲風笛
離亭晚君向瀟湘我向秦

水西蜀淨衆寺五題

竹院松廊分數派不空清泚亦遙迤落花相逐
去何處幽鷺獨來無限時洗鉢老僧臨岸久釣

魚閑客卷綸遲晚晴一片連葦綠悔與滄浪有
舊期

七祖院小山

小巧功成雨蘚斑軒車日日扣松關峨嵋咫尺
無人去却向僧窓看假山

忍公小軒二首

松溪水色綠於松每到松溪到暮鐘閑得心源
祇如此問禪何必向雙峯

舊游前事半埃塵多向中林結淨因一念一爐
香火裏後身唯願似師身

傳經院壁畫松

危根瘦蓋聳孤峯珍重江僧好筆蹤得向游人
多處畫却勝澗底作真松

寄贈孫路處士

平生詩譽更誰過歸老東吳命若何知己凋零
垂白髮故園寥落近滄波酒醒蘚砌花陰轉病
起漁舟鷺跡多深入富春人不見閑門空掩半
庭莎

送張逸人

人間踈散更無人浪兀孤舟酒兀身蘆葦鱸魚
拋不得五陵珍重五湖春

慈恩寺偶題

往事悠悠添浩歎勞生擾擾竟何能故山歲晚
不歸去高塔晴來獨自登林下聽經秋苑鹿江
邊掃葉夕陽僧吟餘却起雙峯念曾看庵西瀑
布冰

侯家鷓鴣

江天梅雨濕江蘼此處煙香是此時苦竹嶺無
歸去日海棠花落舊棲枝春宵思極蘭燈暗曉
月啼多錦幕垂唯有佳人憶南國殷勤爲爾唱
愁辭

送進士許郴

泗上未休兵壺閔事可驚流年催我老遠道念

君行殘雪臨晴水寒梅發故城何當食新稻歲
稔又時平

為戶部李郎中與令季端公寓上渠州
江寺偶作寄獻

退居蕭灑寄禪閣高掛朝簷淨室間孤島難留
雙鶴歌五雲爭放二龍閑輕舟共泛花邊水野
殿同登竹外山仙署金闈虛位久夜清應夢近
天顏

題莊嚴寺休公院

秋深庭色好紅葉周青松病客殊無著吾師甚
見容疎鐘和細溜高塔等遙峯未省求名侶頻

於此地逢

潼關道中

白道曉霜迷離燈照馬嘶秋風滿閣樹殘月隔
河雞來往非無倦窮通豈易齊何年歸故社披
雨翦春畦

終南白鶴觀

步步景通真門前眾水分擘蘿諸洞合鐘磬上
清聞古木千尋雪寒山萬天雲終期掃壇級來
事紫陽君

訪題進士孫秦廷福南街居

多病久離索相尋聊解顏短牆通御水疎樹出

南山歲月何難老園林未得還無門共榮達孤
坐却如閑

宿澄泉蘭若

山半古招提空林雪月迷亂流分石上斜漢在
松西雲集寒庵宿猿先曉磬啼此心如了了祇
此是曹溪

送進士趙能鄉下第南歸

不歸何慰親歸去舊風塵灑淚慙閔吏無言對
越人遠恍花月夜微岸水天春莫便隨漁釣平
生已苦辛

送人游邊

春亦怯邊游此行風正秋別離聞夜雨道路向
雲州磧樹藏城遠沙河漾日流將軍方破虜莫
惜獻良籌

長安夜坐懷寄湖外嵇處士

萬里念江海浩然天地秋風高羣木落夜久數
星流鐘絕分宮漏螢微隔御溝遙思洞庭上葦
露滴漁舟

送祠部曹郎中艸出守洋州

為儒欣出守上路亦戎裝舊製詩多諷分憂俗
必康開懷江稻熟寄信露橙香郡閣清吟夜寒
星識望郎

聞所知游樊川

誰無泉石趣朝下火同過分勝覺程近愛閑經
宿多片沙留白鳥高木引青蘿醉把魚竿去敢
勤藉岸莎

題興善寺寂上人院

客來風雨後院靜似荒涼罷講蛩離砌思山葉
滿廊臘高興故疾爐暖發餘香自說匡廬側杉
陰半石牀

送人之九江謂郡侯苗負外紳

澤國尋知己南浮不偶游盜域分楚塞廬岳對
江州曉飯臨孤嶼春帆八亂流雙旌相望處月

白庾公樓

張谷田舍

縣官清且儉深谷有人家一徑入寒竹小橋穿
野花碓喧春澗滿梯倚綠桑斜自說年來稔前
村酒可賒

寄前水部賈負外嵩

謝病別文昌仙舟向越鄉貴為金馬客雅稱水
曹郎白鷺同孤潔清波共渺茫相如辭賦外騷
雅趣何長

贈文士王雄

知己竟何人夫君尚苦辛圖書長在手文學老

於身公道天難廢真姿玉任真小齋松菊靜願
卜子爲鄰

送進士韋序赴舉

丹霞照上三清路瑞錦裁成五色毫波浪不能
隨世態鸞皇應得入吾曹秋山晚水吟情遠雪
竹風松醉格高預想明年勝躍處龍津春碧浸
仙桃

題興善寺

寺在帝城陰清虛勝二林蘚侵階畫暗茶助越
甌深巢鶴和鐘呿詩僧倚錫吟煙莎後池水前
跡香難尋

十才子詩集多有興善寺後也
作今寺在池無每用進齋

貧女吟

塵歷鴛鴦廢錦機滿頭空挿麗春枝東鄰舞妓
多金翠笑翦燈花學畫眉

寄南浦謫官

多才翻得罪天末抱窮憂白頭爲遷客青山遠
萬州醉歌梅障曉歌厭竹枝秋望闕懷鄉淚荆
江水共流

李夷遇侍御久滯水鄉因抒寄懷

簪笏年何久懸帆興甚長江流愛吳越詩格愈
齊梁竹寺晴吟遠蘭洲晚泊香高閑徒自任華
者待爲郎

訪題進士張喬延興門外所居

平生苦節同旦夕會原東掩卷斜陽裏看山暮
木中星霜吟欲老江海業全空近日文場內因
君起古風

梁燭處士辭金陵羊相國杜公歸舊山

因以寄贈

相迺留不得江野有苔磯西浙尋山編孤舟載
鶴歸世間書讀盡雲外客來稀諫署搜賢急應
難惜布衣

為人題

淚濕孤鸞曉鏡昏近來方解惜青春杏花楊柳

年年好不忍迴看舊寫真

潯陽姚宰廳作

縣幽公事稀庭草是山薇足得招基侶何妨著
道衣野泉當案落汀鷺入衙飛寺去東林近多
應隔宿歸

渠江旅思

流落復蹉跎交親半逝波謀身非不切言念欲
如何故楚春田廢窮已瘴雨多引人鄉淚盡夜
夜竹枝歌

興州東池

南連乳郡流闊碧浸晴樓徹底千峯影無風一

片秋垂揚拂蓮葉返照媚漁舟鑑貌還惆悵難
遊兩鬢羞

賀進士駱用錫發第

苦辛垂二紀擢第却沾裳春榜到春曉一家榮
一鄉題名登塔喜釀宴爲花忙好是東歸日高
槐藥半黃

送許棠先輩之官涇縣

白頭新作尉縣在故山中高第能卑宦前賢尚
此風蕪湖春蕩漾梅雨晝冥濛佐理人安後篇
章莫廢功

趙璘郎中席上賦胡蝶

尋艷復尋香似閑還似忙暖煙沈蕙徑微雨宿
花房書幌輕隨夢歌樓悞採粧王孫深屬意繡
入舞衣裳

題嵩高隱者居

豈易訪仙蹤雲蘿千萬重他年采卜隱此景願
相容亂水林中路深山雪裏鐘見君琴酒樂迴
首興何慵

南游

淒涼懷古意相浦吊靈均故國經新歲扁舟寄
病身山城多曉瘴澤國中晴春漸遠無相識青
梅獨向人

送徐渙端公南歸

青襟離白社朱紱始言歸此去多應羨初心盡
不違江帆和日落越鳥近鄉飛一路春風裏楊
花雪滿衣

高蟾先輩以詩筆相示抒成寄疇

張生故園

三千里知者唯應杜紫微

贈張稔人

土云可

君有君恩秋後葉可能更

羨謝玄暉

後葉有暉宮嗣人陳思秋

咸通十四年府試木向榮題中用韻

園林青氣動衆木散寒聲敗葉墻陰在茲條雪
後榮竹春令早藹藹日華輕度巖梅先覺隋

堤柳暗驚山川應物候辜壤起農情祇待花開
日連棲出谷鶯

題無本上人小齋

寒寺唯應我訪師人稀境靜雪銷遲竹西落照
侵牕好堪惜歸時落照時

贈日東鑿禪師

故國無心渡海潮老禪方丈倚中條夜深雨絕
松堂靜一點山螢照寂寥

獻制誥楊舍人

為郡東吳祗飲冰瑣闥須降鳳書徵隨行已有
朱衣吏伴直多招紫閣僧窓下調琴寫遠水蘆

前時鶴背秋燈葦波竹塢情無限閑話毗陵間
杜陵

蜀中賞海棠

濃澹芳春滿蜀鄉半隨風雨斷鶯腸浣花溪上
堪惆悵子美無情爲發揚

杜工部海棠兩蜀詩
集中無海棠之題

再經南陽

平蕪漠漠失樓臺昔日游人亂後來寥落墻匡
春欲暮燒殘官樹有花開

讀李白集

何事如星與酒星一時鍾在李先生高吟大醉
三和首留著人間伴月明

別脩覺寺無上人

松上江雲石上苔自嫌歸去夕陽催山門握手
無他語祇約今冬看雪來

訪姨兄渭口別墅

枯桑河上村寥落舊田園少小曾來此悲涼不
可言訪鄰多指塚問路半移原久歎家僮散初
晴野薺繁客帆懸極浦漁網曬危軒苦澁詩盈
篋荒唐酒滿樽高枝霜果在幽者暝禽喧遠靄
籠樵響微煙起燒痕衰榮孤族分感激外兄思
三宿忘歸去圭峯恰對門

席上贈歌者

花月樓臺近九衢清歌一曲倒金壺座中亦有
江南客莫向春風唱鷓鴣

西蜀淨衆寺松溪八韻兼寄小筆崔處
士

松因溪得名溪吹松蒼聲繚繞能穿寺幽竒不
在城寒煙齋後散春雨夜中平梁岸蒼苔古翹
沙白鳥明澄分僧影瘦光微客心清帶梵侵雲
響和鐘擊石鳴淡烹新茗爽暖泛落花輕此景
吟難盡憑君畫入京

雲臺編卷上





雲臺編卷中

都官郎中鄭谷

通泉精舍

江清夜路病寺好似香山勞倦孤舟裏登臨半
日間樹涼巢鶴健巖響語僧閑更共幽雲約秋
隨絳帳還

水軒

日日押沙禽偷安且放吟讀書老不入愛酒病
還深歎後為羈客兵餘問故林楊花滿牀席搔
首度春陰

荆渚八月十五日夜值雨寄同年李嶼



共待輝光夜翻成暗澹秋正宜清路望濶起滴
皆愁棹倚袁宏渚簾垂庾亮樓桂無香實落蘭
有露花休玉漏添蕭索金樽阻獻酬明年佳景
在相約向神州

江際

杳杳漁舟破暝煙踈踈蘆葦舊江天那堪流落
逢搖落可得潯然是偶然萬頃白波迷宿鷺一
林黃葉送殘蟬兵車未息年華促早晚閑吟向
滄川

梓潼歲暮

江城無宿雪風物易為春酒美消磨日梅香著

莫人老吟窮景象多難損精神漸有還京望綿
州減戰塵

贈別

南游曾共游相別倍相留行色迴燈曉離聲滿
竹秋穩眠彭蠡浪好醉岳陽樓明日逢佳景為
君成白頭

蓮葉

移舟水濺差差綠倚檻風搖柄柄香知謝沈
人不抑雨中留得蓋鴛鴦

東蜀春晚

如此浮生更別離可堪長慟送春歸潼江水上

楊花雪剛逐孤舟繚繞飛

將之瀘郡旅次遂州遇裴晤負外謫居
於此話舊淒涼因寄二首

誰解登高問上玄
謫仙何事謫詩仙
雲遮列宿離華省
樹蔭澄江入野船
黃鳥晚啼愁瘴雨
青梅早落中蠻煙
不知幾首南行曲
留與巴兒萬古傳

昔年共照松溪影
松折溪荒僧已無
今日同思錦城事
雪鋪花謝夢何殊
亂離未定身俱老
騷雅全休道甚孤
我拜師門更南去
荔枝春熟向渝瀘

送進士吳廷保及第後南游

得意却思尋舊跡
新銜未切向蘭臺
吟看秋草出闌去
逢見故人隨計來
勝地昔年詩板在
清歌幾處郡筵開
江湖易有淹留興
莫待春風大庾梅

野梅

翠風迎步興何長
笑領漁翁入醉鄉
日暮耆田微雨後
鷺鷥閑殺稻花涼

忝官諫垣明日轉對

吾君英睿相賢其
那裏區未晏然
明日翠華春殿下
不知何語可聞天

春夕伴同年禮部趙負外省直

錦帳名郎重錦科清宵富直縱吟戰冰含玉鏡
春寒在粉傅仙闈月色多視草即應歸屬望握
蘭知道暫經過流鶯百轉和殘漏猶把芳樽藉
露莎

春暮詠懷寄集賢韋起居哀

寂寂風簾信自垂楊花筍籜正離披長安一夜
殘春雨右省三年老拾遺生看羣賢爭得路退
量孤分且吟詩五湖煙網非無意未去難忘國
士知

倦客

十年五年歧路中千里萬里西復東匹馬愁衝
晚村雪孤舟阻悶春江風達士猶來知道在昔
賢何必哭途窮閑烹蘆笋炊菰米會向源鄉作
醉翁

早入諫院二首

玉階春冷未催班暫拂塵衣就笏眠孤立小心
還自笑夢魂潛繞御鑪煙

紫雲重疊抱春城廊下人稀唱漏聲偷得微吟
斜倚柱蒲衣花露曉宮鶯

溫處士能畫鷺鷥以四韻換之

昔年吟醉遠江籬愛把漁竿伴鷺鷥聞說小毫

能縱逸敢憑輕素寫幽奇洎洎浪濺殘菱蔓夏
夏風搜折葦枝得向晚窓閑挂翫雪蓑煙艇恨
無遺

喜秀上人相訪

雪初開一徑師忽扣雙扉老大情相近林泉約
共歸夏榮樓者署孤僻負朝衣他夜松堂宿論
詩更入微

丞相孟夏祇薦南郊紀獻十韻

節應清和後郊宮事潔羞至誠聞上帝明德祀圓
丘雅用陶匏器馨非黍稷流就陽陳盛禮匡國
禱鴻休漸覺蘭迎露微涼麥弄秋壽山橫紫閣

端靄抱皇州外肅通班序中嚴慶優奏歌三
酒備表敬百神柔池碧將還鳳原清再問牛萬
方瞻輔翼共賀贊皇猷

蜀中寓止夏日自贍

晨轉歌孤枕風幃信寂寢漲江苦蟬踈驟雨開
芭蕉道阻歸期晚年加記性銷故人衰屣盡相望
在行朝

寄同年禮部趙郎中

仙步徐徐整羽衣小儀澄澹轉中儀樺飄紅燼
趨朝路蘭縱清香宿首時彩筆煙霞供不足綸
闈鸞鳳訝來遲自憐孤宦誰相念禱祝空吟一

首詩

蓼花

簇簇復悠悠，年年漫流。差池伴黃菊，冷澹過清秋。
晚帶鳴蟲急，寒藏宿鷺愁。故溪歸不得，憑仗繫漁舟。

放朝偶作

寒極放朝天，欣聞半夜宣。時安逢密雪，月晏待高眠。
擁褐同休假，吟詩賀有年。坐來幽興在，松亞小窻前。

右省張補闕茂樞同在諫垣，連居光祿，新春賦詠，聊以寄懷。

小梅零落雪欺殘，浩蕩窮愁豈易寬。唯有詠吟償晚景，且無濃醉壓春寒。
高齋每喜追攀近，麗句先憂屬和難。十五年前請苦節，知心不獨為同官。

重訪黃神谷策禪者

初塵芸閣辭禪閣，却訪支郎是老郎。我趣轉卑師趣靜，數峯秋雪一爐香。

定水寺行香

聽松看畫繞虛廊，風拂金鑪待賜香。丞相未來春雪密，暫偷閑臥老僧牀。

結綬鄴郊廩，攝府署偶有自詠。

鶯離寒谷士逢春釋褐來年暫種芸自笑老爲
梅少府可堪貧攝鮑參軍酒醒往事多興念吟
苦鄰居心厭聞推却簿書搔短髮落花飛絮正
紛紛

次韻酬張補闕因寒食見寄之什

柳近清明翠縷長多情右袞不相忘開緘雖覩
新篇麗破臯須聞冷酒香特態懶隨人上下花
心被蝶分張朝稀且莫輕春賞勝事由來在
帝鄉

奔問三峯寓止近墅

二年奔走頗驚魂來謁行宮淚眼昏鷓鴣入朝

同侍漏牛羊送日獨歸村灞陵散矢詩千首太
華淒涼酒一樽兵革未休無異術不知何以受
君恩

寄贈楊夔處士

結茅祗約釣魚臺濺水鷓鴣去又迴春臥甕邊
聽酒熟露吟庭際待花開三江勝景遨游徧百
氏羣書講貫來國步未安風雅薄可能高尚抑
天才

次和韻王駕校書結綬見寄之什

直應歸諫署方肯別山村勤苦常同業孤單共
感恩醉披仙鶴氅吟扣野僧門夢見君高趣天

涼自灌園

荔枝

平昔誰相愛驪山遇貴妃
枉教生處遠愁見摘
來稀曉奪江霞色晴欺瘴日
威南荒何所戀為
爾即忘歸

峽中

萬重煙靄裏隱隱見夔州
夜靜明月峽春寒堆
雪樓獨吟誰會解多病
自淹留往事如今日聊
同子美愁

順動後藍田偶作時丙辰初夏月

小諫昇中諫三年侍玉除
且言無所補浩歎欲

何如宮闕飛灰燼嬪嬙落里閭
藍峯秋更碧沾
灑望壑輿

谷初忝諫垣今憲長薛公方在西閭知
樊隆異以四韻代述榮感

舊詩常得在高吟不奈公心愛苦心道自瑣闥
言下振舍人於閣下衆中恩從仙殿對迴深累
陪舍人深以知獎也流年漸覺霜欺鬢至藥能
教土化金自拂青萍知有地齋誠旦夕望為霖

海棠

春風用意勻顏色銷得攜觴與賦詩
穠麗最宜
新着雨嬌旣全在欲開時
莫愁黛臨牕懶染廣

丹青點筆遲朝醉暮吟看不足羨他蝶蝶宿
深枝

黃鶯

春雲薄薄日輝輝宮樹煙深隔水飛應為能歌
繫仙籍麻姑乞與女真衣

吊故禮部韋負外序

臘雪初晴共舉盃便期攜手上春臺高情唯怕
酒不滿長慟可悲花正開曉奠鶯啼殘漏在風
悖燕覓舊巢來杜陵芳草年年綠醉魄吟魂無
復迴

顏惠詹事即孤姪舅氏謫官黜巫舟中

相遇愴然有寄

猶子在天末念渠懷渭陽巴賓偶會過江浦共
悲涼謫宦君何遠窮游我自強瘴村三月暮雨
熟野梅黃

谷自亂罹之後在西蜀半紀之餘多寓
止精舍與圓昉上人為淨侶昉公於長
松山舊齋賞約他日訪會勞生多故游
宦數年襄契未諧忽聞謝世愴吟四韻
以吊之

每思聞淨話雨夜對禪牀未得重相見秋登照
影堂孤雲終負約薄宦轉堪傷夢繞長松塔遙

焚一炷香

杏花

不覺梅欹雪輕紅照碧池小桃新謝後雙燕却
來時香屬登龍客煙籠宿蝶枝臨軒須臾取風
雨易離披

夕陽

夕陽秋更好斂斂蕙蘭中極浦明殘雨長天急
遠鷓僧牕留半榻漁舸透疎篷莫恨清光盡寒
蟾即照空

水林檎花

一露一朝新簾櫳曉景分艷和蜂蝶動香帶管

絃聞笑擬春無力粧濃酒漸醺直疑風起夜飛
去替行雲

鴈

八月悲風九月霜蓼花紅澹葦條黃石頭城下
波搖影星子灣西雲間行鷺散漁家吹短笛失
羣征戍鎖殘陽故鄉聞爾亦惆悵何況扁舟非
故鄉

漂泊

槿墜蓮踈池館清日光風緒澹無情鱸魚斫鱠
輸張翰橘樹呼奴羨李衡十口漂零猶寄食雨
川消息未休矣黃花催促重陽酒何處登高望

二京

啟事感恩上伏右丞

昔歲曾投贄閩河在左馮庾公垂顧遇王粲許
 從容項羊庾給事崇出飛游調給州受聖知首薦叨殊
 禮全家寓近封白樓陪寫望青眼感遭逢顧念
 梁間燕深憐潤底松嵐光連岳逼酒味菊花濃
 湖菊州館酒醞冠難旋移國漂離幾聽蛩半生悲逆
 旅二紀間門墉蜀雪隨僧踏荆煙逐鴈衝獨零
 歸兩鬢舉止矢前蹤得事雖甘晚陳詩朱肯慵
 通來趨九仞又伴賞三峯特大耀樓托情何限
 吹簫意數重自茲傳侶內無復歎龍鍾

駐蹕華下同年司封負外從翁許共游

西溪父遠前契戲成寄贈

北渚牽吟興西溪爽共游指期承禁馬故事初
 聽借飛無暇狎沙鷗縱目懷青島澄心想碧流
 明公非不愛應待泛龍舟

咸陽

咸陽城下宿往事可悲思未有謀身計頻遷反
 正期凍河孤棹遊老樹壘巢危莫問今行止漂
 漂自不知

寄慕容

松窓揪局穩相顧思皆凝幾局賭山果一先饒

海僧覆圖聞夜雨下子對秋燈何日無羈束期
君向杜陵

錦浦

流落夜淒淒春寒錦浦西不甘花逐水可惜雪
成泥病眼嫌燈近離腸賴酒迷憑君屬鷓鴣莫
向五更啼

歌枕

歌枕高歌日午春酒酣睡足最閑身明明會得
窮通理未必輸他馬上人

重陽日訪元秀上人

紅葉黃花秋景寬醉吟朝夕在樊川却嫌今日

登山俗且共高僧對榻眠別盡長懷吳寺壁宜
茶偏賞雪溪泉歸來童稚爭相笑何事無人與
酒船

漾波

昔事東流共不迴春深獨向漾波來亂前別業
依稀在雨裏梨花寂寞開却展漁絲無野艇舊
題詩句沒蒼苔潛然四顧難消遣祇有佯狂泥
酒盃

朝直

朝直叨居省閣間由來踈退校安閑落花夜靜
宮中漏微雨春寒廊下班自扣玄門齊寵辱從

他榮路用機閔孤峯未得深歸去名盡偏求水
墨山

感懷投時相

非才偶忝直文昌兩鬢年深一鏡霜待漏敢辭
繡小吏立班由未出中行孤吟馬跡拋槐陌遠
夢漁竿擲葦鄉丞相舊知爲學苦更教何處貢
篇章

多情

賦分多情却自嗟蕭衰未必爲年華睡輕可忍
風敲竹飲散那堪月在花薄宦因循拋峴首故
人流落向天涯鶯春鴈夜長如此賴是幽居近

酒家

訪題表兄王藻渭上別業

桑村搖落渭川西蓼水彌彌接稻泥幽檻靜來
漁唱遠噴天寒極鴈行低濁醪最稱看山醉冷
句偏宜選竹題中表人稀離亂後花時莫惜重
相攜

垂慵

垂慵居竹裏涼冷卧池東一霎芰荷雨幾迴簾
幕風遠僧來扣寂小吏笑書空衰鬢霜供白愁
顏酒借紅扇輕搖鷺羽屏古畫漁翁自得無端
趣琴棊舫子中

巴江

時傳宗者
方南梁省

亂來奔走巴江濱，愁客多於江徼人。
朝醉暮醉雪開霽，一枝兩枝梅探春。
詔書罪已方哀痛，鄉縣徵兵尚苦辛。
鬢禿又驚逢獻歲，眼前渾不見交親。

永日有懷

能消永日是樗蒲坑，塹由來似宦途。
兩擲未提摠內座，中何惜爲半盧。

遷客

離夜聞橫笛，可堪吹鷓鴣。
雪完知早晚，兩泣渡江湖。
秋樹吹黃葉，蠟煙垂綠蕪。
虞翻歸有日，莫

便哭窮途

投時相十韻

何以保孤危，操脩自不知。
衆中常杜口，夢裏亦吟詩。
失計辭山早，非才得事遲。
薄冰安可履，閣室豈能欺。
勤苦流螢信，吁嗟宿燕知。
殘鐘殘漏曉，落葉落花時。
故舊寒門少，文章外族衰。
此生多轍軻，半世足漂離。
省署隨清品，漁舟奕素期。
戀恩休未遂，雙鬢漸成絲。

南宮寓直

寓直事非輕，宦孤憂且榮。
制承黃紙重，辭見紫垣清。
曉霽庭松色，風和禁漏聲。
僧攜新茗伴，更

掃落花迎鎖印詩心動垂簾睡思生粉廊曾試

處直事類編謝靈運詩堂多蘇石柱昔賢名采誤

宮窓燕帶疑花樹鶯殘陽應更好歸速恨嚴城

讀故許昌薛尚書詩集

篇篇高且真真為國風陳澹泞雖師古縱橫得

意新剪裁成幾篋世詩人近作唱和是誰人

華岳題無敵黃河句絕倫華岳黃河二詩巨題

自序不負吟殘荔枝雨諫徹海棠春公二有海棠荔

社子無此詠雨李白欺前輩公有寄符在郎中詩

暉李詔橋陶潛仰後塵終公無取陶詩春章固不列李白

難忘高室下山公巨篇不負蜀江賓松常江從事蜀

屬思看山眼冥搜倚樹身措摸勞夢想誠誦爽

精神落筆空追愴曾蒙借芥介

題汝州從事廳

詩人公署如山舍紙向階前便採薇驚燕拂簾

閑睡覺落花沾硯會食歸壁看舊記官多達榜

桂明文吏莫遠自說小池栽葦後雨涼頻見鷺

鷺飛

賀左省新除韋拾遺

初升諫署是真仙浪透桃花恰五年垂白郎官

居座末著緋人吏立階前百僚班列趨丹陛兩

掖風清上碧天從此追飛柯處去金臺殿與王

堂連

寄左省張起居

含香復記言清秩稱當年點筆非常筆朝天最
近天家聲三相後公事一人前詩句江郎伏書
蹤甯氏傳缺相傳今授書公風標欺鷺鶴才力
湧沙泉居僻貧無慮名高退更堅漁舟思靜泛
僧榻寄閑眠消息當彌八絲綸的粲然依棲常
接跡屬和舊盈編開口人皆信淒涼是謝在谷

中秋

清香開曉蓮水園雨餘天天氣正得所客心剛

悄然亂兵何日息故老幾人全此際難有遣從
榮未學禪

送舉子下第東歸

夫子道何孤青雲未得途詩書難捨魯山水暫
游吳野綠梅陰重江春浪勢分麓秣陵兵役後舊
業半成蕪

蜀江有吊

孟子有良策惜哉今已而徒將心體國不識道
消時折檻未為切況相何足悲蒼蒼無問處煙
雨徧江籬

思門小諫雨中乞菊花栽

握蘭將滿歲栽菊伴吟詩老去慵趨世朝迴獨
籬繞逸香風細細澆綠水彌彌祇共山僧賞何
當國士移孤根深有托微雨正相宜更待金英
發憑君挿一枝

寄題詩僧

靈一心傳清塞心可公吟後楚公吟近來雅道
相親少唯仰吾師所得深好句未停無暇日舊
山歸老有東林吟曹孤宜甘寥落多謝攜筇數
訪尋

送進士王駕下第歸蒲中

朱意離愁春不知到家時是落花時孤單取事

休言命早晚逢人苦愛詩度塞風沙歸路遠傍
河桑柘舊居移應嗟我又巴江去游子悠悠聽
子規

宣義里舍冬暮自貽

幽居不稱在長安溝洫浮春岸雪殘鼓屋漸移
方帶野水車新入夜添寒名如有分終須立道
若離心豈易寬滿眼塵埃馳騫去獨尋煙竹翦
漁竿

書村叟壁

草肥朝牧牛桑綠晚鳴鳩列翠簷前見清泉碓
下流春蔬和雨割社酒向花笏引我南陂去籬

邊有小舟

朝謁

捧日整朝簪，千官一片心。
班趨黃道急，殿揖紫宸深。
威鳳迴香宸，新鶯轉上林。
小松含瑞露，春翠易成陰。

武德殿前新栽小松

峨嵋山

萬仞白雲端，經春雪未殘。
夏消江峽滿，晴照蜀樓寒。
造境知僧熟，歸林認鶴難。
會須朝闕去，祇有畫圖看。

次韻和秀上人游南五臺

中峯曾到處，題記沒蒼苔。
振錫傳深谷，翻經想

舊臺花。松臨砌，偃驚鹿，薦溪來。
內殿評詩切，文應制身迴心未迴。

寄察院李侍御文姬

古栢間松篁，清陰在印牀。
宿郊度點饌，秋寺靜監香。
參集行多揖，風儀見即莊。
佇聞橫擘去，惟集諫書囊。

前寄左省張起居一百言尋蒙唱酬見

譽過實却用舊韻重荅

戒瘦經多難，憂傷集晚年。
吟高風過樹，坐久夜涼天。
旅退慙隨衆，孤飛怯向前。
釣朋蓁叟在，藥術衲僧傳。
鬢禿趨榮路，腸焦鄙盜泉。
品徒誠有

隔堆唱意何堅寒地殊知感秋燈耿不眠從來
甘默爾自此倍怡然蘭為官須握蒲因學更編
預愁搖落後子美笑無羶杜杜江名部贈十廣生客
寒無

槐花

氍毹金縷撲晴空舉子魂驚落照中今日老郎
猶有恨昔年相雲十秋風

贈富平李宰

夫君清且貧琴鶴最相親簡肅諸曹事安閑上
境人陵山雲裏拜渠路雨中巡易得連宵醉千
缸石凍春

旅寓洛南村舍

村落清明近鞦韆稚女誇春陰妨柳絮月黑見
梨花白鳥闌魚網青帘認酒家幽樓雖自適交
友在京華

蜀中三首

馬頭春向鹿頭關遠樹平蕪一望閑雪下文君
沽酒市雲藏李白讀書山江樓客恨黃梅後村
落人歌紫芋間堤月橋燈好時景漢逢無事不
征蠻

夜多無雨曉生塵草色嵐光日日新蒙頂頂茶
千點露浣花牋紙一溪春楊雄宅在唯喬木杜

南臺荒絕舊鄰却共海棠花有約數年留滯
不歸人

清遠江清碧簾紋小桃花繞北屏清堦朱橋直指
金門路粉蝶高連玉壘雲窗心下盤琴翹鳳足波
中耀錦散鷗羣子規夜夜啼巴樹不並吳鄉楚
國聞

偶懷寄臺院孫端公啓

才拙道仍孤無何捨釣徒班雖沾玉箸香不近
金鑪雨露瞻健閣煙波隔五湖唯君應見念曾
共伏青蒲孫端公

小桃

和煙和雨遮敷水映竹映村連
灞橋梅亂春風耐寒令到頭贏得杏花嬌

峽中嘗茶

簇簇新英摘露光小江園裏火煎嘗吳僧謾說
鷓鴣山好蜀吏休誇鳥觜香合座半甌輕泛綠開
絨數片淺含黃鹿門病客不歸去酒渴更知春
味長

蠟燭

仙漏遲遲出建章宮簾不動透清光金露白新
裁詔盡閣春紅正試粧淚滴盃盤何所恨燼飄
蘭麝暗和香多情更有分明處照得歌塵下燕

梁

次韻和秀上人長安寺居言懷寄渚宮
禪者

舊齋松老別多年香社人稀粟亂間出寺祇知
趨內殿閉門長似在深山卧聽秦樹秋鐘斷吟
想荆江夕鳥還唯恐興來飛鷁去老郎無路更
追攀

搖落

夜來搖落悲桑棗半空枝故國無消息流年有
亂離霜秦聞鴈早煙渭認帆遲日暮寒鼓軍急邊
軍在雍岐

郊墅

韋曲樊川雨半晴竹莊花院編題名盡成煙景
垂楊色滴破春愁壓酒聲滿野紅塵誰得路連
天紫閣獨閑情漾陂水色澄於鏡何必滄浪始
濯纓

渚宮亂後作

鄉人來話亂罹情淚滴殘陽問楚荆白社已應
無故老清江依舊遠空城高秋軍旅齊山樹昔
日漁家是野營牢落故居灰燼後黃花紫蔓上
墻生

嘉陵

細雨濕萋萋人稀江日西春愁腸已斷不在子規啼

卷末偶題三首

一卷踈蕪一百篇名成未敢暫忘筌何如海日生殘夜一句能令萬古傳

七歲侍行湖外去岳陽樓上敢題詩如今寒晚無功業何以勝任國士知

一第由來是出身垂名俱爲國風陳此生君不知騷雅孤宦如何作近臣

雲臺編卷中

雲臺編卷下

都官郎中鄭谷

八閣

祕殿臨軒日。和鑾返正年。兩班文武盛。百辟羽
儀全。霜漏清中禁。風旗拂曙天。門嚴新勅契。伏
入乍承宣。玉机當紅旭。金鑪縱碧煙。對敷補法
吏。贊引出宮鈿。言動揮毫疾。威容執簿專。壽山
晴靄颯。穎氣暖連延。禮有鴛鴦集。恩無雨露偏。
小臣叨備佐。歌詠忝階前。

郊墅

蓼水菊籬邊。新晴有亂蟬。秋光終寂寞。晚醉日

留連野濕水中露，村閑社後天。
題詩滿紅葉，何必沈苑殘。

長安感興

徒勞悲喪亂，自古戎繁華。
落日狐兔徑，近年公相家。
可悲聞玉笛，不見走香車。
寂寞墻匡裏，春陰桂杏花。

詠懷

迂踈雖可欺，心路甚男兒。
薄宦渾無味，平生粗有詩。
澹交終不破，孤達晚相宜。
直夜花前喚，朝寒雪裏追。
竹聲輸我聽，茶格共僧知。
景物還多感，情懷偶不卑。
溪鶯喧午寢，山蕨正春飢。
險事銷腸酒，清歡敵手碁。
香鋤拋藥圃，煙艇憶莎隄。
自許亨途在，儒綱復振時。

寄贈藍田韋少府先輩

王畿第一縣，縣尉是辭人。
館殿非初意，圖書是舊貧。
研冰泉竇響，賽雪廟松春。
自此昇通籍，清華日近身。

寄懷元秀上人

悠悠千祿利，草草漁樵身。
世堪惆悵，風騷頗寂寥。
高秋期野步，積雨放趨朝。
得句如相憶，莎齋且見招。

迴鑿

妖星沉雨露和氣滿京闕上將忠勳立明君法
駕還順風調雅樂夾道敘羣班香泛傳宣裏塵
清指顧閒樓臺新紫氣雲物舊黃山曉渭行朝
肅秋郊曠望閑廟靈安國步日角動天顏浩浩
外平曲流歌徹百蠻

贈宗人前公安宰君

喧卑從宦出宣卑別盡能琴又解棊海上春耕
因亂廢年來冬薦得官逢風中夜大驚槐巷月
下寒驢蓄槿籬孤散恨無推唱路耿懷吟得贈
君詩

長江縣經賈島墓

水遠荒墳縣路斜耕人訝我父客嗟重來兼恐
無尋處日落風吹鼓子花

游貴侯城南林墅

韋杜八九月亭臺高下風獨來新霽後閑步澹
煙中莎軟連池綠柿繁和葉紅主人貪貴達清
境屬鄰翁

端居

葉葉下高梧端居失所圖亂罹時輩少風月夜
吟孤舊疾衰還有窮愁醉暫無秋光如水國不
語理霜鬢

寄職方李負外

曾袖篇章謁長卿，今來附鳳事何榮。
星臨南省陪仙步，春滿東朝接珮聲。
韻外補事諸官譚笑
不拘先後禮，歲寒仍契子孫情。
龍墀伏下天街暖，共看圭峯並馬行。

自貽

飲筵博席與心違，野眺春吟更是誰。
琴有潤風聲轉澹，詩無僧字格還卑。
恨拋水國荷蓑雨，貧過長安櫻笋時。
頭角英髦應指笑，權門蹤跡獨差池。

竹

宜煙宜雨又宜風，拂水藏村復間松。
移得蕭騷從遠寺，洗來踈淨見前峯。
幽階蘚折春芽迸，繞徑莎微夏蔭濃。
無賴杏花多意緒，數枝穿翠好相容。

郊園

相近復相尋，山僧興水禽。
煙蓑春釣靜，雪屋夜碁深。
雅道誰開口，時風未醒心。
溪光何以報，祗有醉和吟。

吊水部賈員外嵩

八韻與五字，俱為時所先。
幽魂應自慰，李白墓相連。

燈

雨向莎階滴未休，冷光孤恨兩悠悠。船中聞鴈
洞庭宿牀下有蛩，長信秋背照翠簾。新麗別不
挑紅燼，正含愁。蕭騷寒竹南牕靜，一局閑碁爲
爾留。

池上

池榭愜幽獨，狂吟學解朝。露荷香自任，風竹冷
相敲。喪志嫌孤宦，無機愛澹交。仙山如有分，必
擬訪三茅。

贈下第舉公

見君失意我惆悵，記得當年落第情。出去無憊
歸又闕，花南慢打講鐘聲。

悶題

莫厭九衢塵土間，秋晴滿眼是南山。僧家未必
全無事，道著訪僧心且閑。

轉正郎後寄獻集賢相公

千名初在德門前，屈指年來三十年。自賀孤危
終際會，別將流涕感階緣。止陪鴛鷺居清秩，盍
應星辰澆上玄。平昔苦心無所恨，受恩多是舊
詩篇。

者中偶作

三轉郎曹自勉旃，莎階吟步想前賢。未如何遜
無佳句，若比馮唐是壯年。捧制名題黃紙尾，約

僧心在白雲邊
乳毛松雪春
栗好直夜清閑
且學禪

奔避

奔避投人遠
漂離易感恩
愁鬢霜颯颯
病眼淚昏昏
孤館秋聲樹
寒江落照村
更聞歸路絕
新寨截荆門

送京叅翁先輩歸閩中

解印東歸去
人情此際多
名高五七字
道勝兩重科
宿館明寒曉
吟船兀夜波
家山春更好
越鳥在庭村

九日偶懷寄左者張起居

令節爭歡我
獨閑荒臺盡
日向暗山渾
無酒泛金英
菊謾道官趨玉
笋班深媿青莎
迤野步不堪
紅葉照衰顏
羨君官重多
吟興醉帶朱
波落照還

駕部鄭郎中
三十八丈尹
貳東周榮加
金紫谷以未
派之外思舊
事深因賀送
香浮玉陛曉
辭天抱拂蒲
茸補少年郎
署轉曹雖久
次京河五尹
是優賢縱游
雲水無公事
貴買琴書有
俸錢今日龍
門看松雪探
春明日向平泉

初還京師寓止府署偶題屋壁

秋光不見舊池臺
四顧荒涼瓦礫堆
人力不能消地力
亂前黃菊眼前開

自遣

強健宦途何足謂
入微章句更難論
誰知野性貞天性
不扣權門扣道門
闕硯晚鶯臨砌樹
迸堦春笋隔籬根
朝迴何處消長日
紫閣峯南有舊村

中年

漠漠秦雲淡淡天
新年景象入中年
情多最恨花無語
愁破方知酒有權
苔色滿牆尋故第
雨聲一夜憶春田
衰遲自喜添詩學
更把前題改

教聯

春陰

推琴當酒度春陰
不解謀生祇解吟
舞蝶歌鶯莫相試
老郎心是老僧心

江梅

江梅且緩聽前輩
有歌詞莫惜黃金綫
難忘白雪枝
吟看歸不得
醉嗅立如癡
和雨和煙折
含清寄所思

試筆偶書

沙鳥與山麋
由來性不羈
可憑唯有道
難解莫過詩
任笑孤吟僻
終嫌巧宦卑
乖慵思地怨
吟

澹好僧知華首慙公器滄江負釣師露花春直
夜煙鼓早朝時世路多艱梗家風免墜遺殷勤
一蓑雨祇得夢中披

敷溪高士

敷溪南岸掩柴荆挂却朝衣愛靜名閑得林園
栽樹法喜聞兒姪讀書聲眠窓日暖添幽夢步
野風春散酒醒謫去微還何擾擾片雲相伴看
衰榮

語溪

湛湛清江疊疊山白雲白鳥在其間漁翁醉睡
又醒睡誰道皇天最惜閑

失鷓鴣鷓

野格由來倦小池鷓鴣飛却下碧江涯月昏風急
何處宿秋岸蕭蕭黃葦枝

兵部盧郎中獻借示詩集以四韻謝之

七子風騷尋失主五君歌誦久無聲調和雅樂
歸時正澄慮頽波到底清才大始知寰宇窄吟
高何止鬼神驚葉公好尚渾踈闊忽見真龍幾
喪明

文昌寓直

何遜空階夜雨平朝來交直雨新晴落花亂上
花塲上不忍和苔踏紫莢

街西晚歸

御溝春水繞閑坊信馬歸來傍短墻幽榭名園
臨紫陌晚風時帶牡丹香

贈咸陽王主簿

可愛咸陽王主簿窮經盡列昔賢心登科未足
酬多學執卷猶聞惜寸陰自與山妻春斗粟祗
憑鄰叟典孤琴我來賒酒相留宿聽我披衣看
雪吟

谷州歲受同年丈人故川守李侍郎教
諭衰晏龍鍾益用感歎遂以章句自貽
多感京河李丈人童蒙受教便書紳文章至竟

無功業名宦由來致苦辛皎日還應知守道平
生自信解甘貧孤單所得皆逾分歸種數溪一
畝春

偶書

承時偷喜負明神務實那能得底身不會蒼蒼
主何事忍飢多是力耕人

蔡處士

無著復來平生不解愁鬢疏貧淨絮中酒病風
流貞趣陶山相詩篇沈隱侯小齋江色裏籬柱
繫漁舟

信美寺岑上人

巡禮諸方遍湘南頗有緣焚香老山寺乞食向
江船紗碧籠名畫燈寒照淨禪我來能永日蓮
漏滴塔前

寄獻狄右丞

逐勝偷閑向杜陵愛僧不受紫衣僧身為醉客
思吟客官自中丞拜右丞殘月露垂朝闕蓋落
花風動宿齋燈孤單小諫漁舟在心戀清潭去
未能

故許昌薛尚書能賞為都官郎中後數
歲故建州李負外類自憲府內彈拜都
官負外八座外郎皆一時騷雅宗師則

都官之曹振盃於此余早年請益實受
深知今忝此官復是正秩豈唯俯慰孤
宦何以仰繼前賢榮惕在衷遂賦自賀
都官雖未是名郎踐歷曾聞薛許昌復有李公
陪雅躅豈宜鄭子泰餘光榮為後進趨蘭署喜
拂前題在粉牆八題外郎於者他日節旄如可
繼不嫌曹冷在中何行

下峽

憶子啼猿繞樹哀雨隨孤棹過陽臺波頭未白
人頭白瞥見春風艷頰堆

苔錢

春紅秋紫繞池臺
箇箇圓如齊世財
雨後無端滿
窮巷買花不得買
愁來

寄左者韋起居序

風神何蘊籍
張緒正當年
端簡鑪香裏
濡毫洞案邊
飾裝無雨備
着述減春眠
旦夕應彌入
銀臺曉候宣

代秋扇詞

露入庭蕪恨已深
熱時天下是知音
汗流浴背曾施手
氣爽中宵便負心
一片山溪從蠹損
數行文字任塵侵
綠槐陰合清和後
不會何顏又見尋

江行

漂泊病難任
逢人淚滿襟
關東多事日
天末未歸心
夜雨荆江漲
春雲郢樹深
殷勤聽漁唱
漸入吳音

錦二首

布素豪家定不看
若無花彩入時難
紅迷天子眼
邊日紫奪星
郎帳外蘭春
水濯架雲鴈
活夜機挑處
雨燈寒舞衣
轉轉承新樣
不問亂羅桑柘殘

文君手裏曙霞生
美號仍聞借蜀城
奪得始知袍更貴
著歸方覺畫偏榮
宮花顏色開時麗
池

鳳毛衣浴後明禮部郎官人所重者中別占好
窠名

中臺五題

乳毛松

松格一何高何人號乳毛霜天寓直夜媿爾伴
閑曹

樗里子墓

賢人骨已消墓樹幾榮凋正直魂如在齋心願
一招

牡丹

亂前看不足亂後眼偏明却得蓬蒿力遮藏見

太平

玉蕊

瓊前唐昌觀
蕊最盛

唐昌樹已荒天意眷文昌
晚入微風起春時雪
滿牆

石柱

外翻鑿記背在七轉

暴亂免遺折森羅賢達名
末郎何所取叨繼外
門榮

哭進士李洞

所惜絕吟聲不悲君不榮
李端終薄宦賈島得
高名旅葬新墳小遺孤
遠俗輕猶疑隨計晚
昨夜草蟲鳴

其二 李生醜愛賈嶺山詩長江在東蜀境內
自聞東蜀病唯我獨閑情若近長江死想君勝
在生瘴蒸州旄濕燈隔素惟清塚樹僧栽後新
蟬一兩聲

閑題

舉世何人肯自知須逢精鑑定妍媸若教嫫母
臨明鏡也道不勞紅粉施

府中寓止寄趙大諫

老作含香客貧無餼舍錢神州容寄跡大尹是
同年密邇都忘倦乖慵益見憐雪風花月好中
夜便招延

贈劉神童六歲及第

習讀在前生僧譚足可明還家雖解喜登第未
知榮時果曾若賜上召於便殿親試春闈不桂
清燈前猶惡睡寤語讀書聲

京兆府試殘月如新月

榮落何相似初終却一般猶疑和夕照誰信墮
朝寒水木輝華別詩家比象難佳人應誤拜樓
鳥反求安屈指期輪滿何心請影殘庾樓清賞
處吟徹曙鐘看

石門山泉

一脈清冷何所之縈莎漱蘚入僧池雲邊野客

木字疑
國字

窮乘處石上寒猿見落時
聚沫繞槎殘雪在迸
流穿樹墮花隨煙
春雨晚閑吟去不復遠
尋皇子陂

渭陽樓閑望

千重二華見皇州
望盡凝嵐即此樓
細雨不藏秦樹色
夕陽空照渭河流
後車寧見前車覆
本日難忘昨日憂
擾擾塵中猶未已
可能踈傳獨能休

作尉鄆郊送進士潘為下第南歸

歸去宜春春水深
麥秋梅雨過相陰
鄉園幾度經狂寇
桑柘誰家有舊林
結綬位卑甘晚達
登

龍心在且高吟
灞陵橋上楊花裏
酒滿芳樽淚滿襟

下第退居二首

年來還未上州梯
且著漁蓑謝故溪
落盡梨花春又了
破籬殘雨晚鶯啼

未嘗青杏出長安
豪士應疑怕牡州
祇有良耕

耕不得茫然村落
水吹殘

題水部李羽負外招國里居

野色入前軒
翛然琴與樽
盡僧依寺壁
栽葦學江村
自醞花前醉
誰敲雪裏門
不辭朝謁遠
唯要近慈恩

故少師從翁隱巖別墅亂後榛蕪感舊
愴懷遂有追紀

風騷為主人風俗仰青塵密行祗閨闈明誠動
指紳周旋居顯重內外掌絲綸妙主蓬壺籍忠
為社稷臣大儀牆仞峻東轄紀綱新聞善常開
口推公豈為身立朝鳴珮貴歸宅典衣貧半醉
看花晚中貧煮菜春晴臺隨鹿上幽野約僧鄰
理論知清越清越孤鄉待江左詩僧厚生徒得李頻葉香
沾筆硯竹色染衣巾寄鶴眠雲叟騎驢入室賓
咸通中舉子乘馬進張喬門下將姚監北魏
喬詩善道真孤鄉延於門下將姚監北魏
微孤蓋邦主人風雅僻與段鄉親學幸勤章句入

微孤鄉葉積池邊路茶遲雪後薪所難留著迹
誰不秉陶鈎喪亂時多變追思事已陳浮華重
發作雅正甚湮淪宗從今何在依棲素有因七
松無影響孤鄉更植小松批本自號先生雙溪益悲
辛猶喜于門秀年來屈併伸班即孤鄉經也
送司封從叔負外微赴華州裴尚書均

賦

如何拋錦帳道府對蓮峯舊有雲霞約暫留鷓鴣
蹤敷溪秋雪岸樹谷夕陽鐘盡入新吟境歸朝
興莫慵

聞進士許郴罷舉歸睦州悵然懷寄

桐廬歸舊廬垂老復樵漁吾子雖言命鄉人懶
讀書煙舟撐悅賴雨屐藉春蔬異代名方振哀
吟莫廢初

靜吟

騷雅荒涼我未安月和餘雪夜吟寒相門相客
應相笑得句勝於得好官

和知己秋日傷懷

流水歌聲共不迴去年天氣舊亭臺梁塵寂寞
燕歸去黃蜀葵花一朵開

舟行

九派迢迢九月殘舟人相語且相寬村逢好處嫌

風便酒到醒來覺夜寒蓼水白波望夏口柿園
紅葉憶安長季鷹可是思鱸鱠引退知特自
古難

闕下春日

建昌宮殿紫雲飄春漏遲遲下絳霄綺陌暖風
嘶去馬粉廊初日照趨朝花經宿雨香難拾鶯
在豪家語更嬌秦楚年年有離別楊鞭揮袖灑
陵橋

峽中寓止二首

荊州未解圍小縣結茅茨強對官人笑為野
鶴歎江春鋪網閑市晚鬻蔬遲子美猶如此翻

然不敢悲

傳聞殊不史鑿輅幾時還俗易無常性江清見
老顏夜船歸草市春步上茶山寨將來相問見
童競啓關

送吏部曹郎中免官南歸

高名向已求古韻古無傳風月拋蘭有江山復
桂州賢人知止足中歲便歸休雲鶴深相待公
卿不易留滿朝張祖席半路上仙舟篋重藏吳
畫茶新換越甌郡血紅燭宴寺翠嵐樓觸目
成幽喫全家是勝游蓬聲漁叟雨葦色鷺鷥爲秋
久別郊園改將歸里巷脩桑麻勝祿食節序免

鄉愁陽朔花迎棹崇賢葉滿蒲席春歡促膝簪
日暖梳頭道暢應爲蝶特來必問牛終須康庶
品未爽漱寒流議在歸羣望情難戀自由小生
誠淺拙早歲便依投夏課每垂獎雪天常見憂
遠招陪宿直首薦向公侯攀送偏揮灑龍鍾志
未酬

余嘗有雪景一絕爲人所諷吟段贊善
小筆精微忽爲圖畫以詩謝之

贊善賢相後家藏名畫多留心於繪素得事在
煙波屬喫同吟詠成功更琢磨愛余風雪句出
絕寫漁叢

贈尚顏上人

相尋喜可知。放錫便論詩。酷愛山暮水。唯應我
與師。風雷冷不覺。猿鶴老為期。近輩唯棲白。其
如趣向卑。

遠游

江湖猶足事。食宿成聲望。夕客秋風起。孤舟夜
浪翻。鄉音離楚岸。廟鬼入湘源。岸潤鳥毳島。小林
垂橘袖。繁津官棗。有意漁者笑。無言早晚騎。僧
約中條有藥園。

寄邊上從事

男兒懷壯節。河水事標旗。高壘觀諸寨。全師護

大朝。淺山寒放馬。亂火夜防苗。下第春愁甚。勞
君遠見招。

光化戊午年舉公見示省試春草碧色

詩偶賦是題

萋弘血染新。含露滿江濱。想得尋花徑。應迷拾
翠人。窻紗迎擁砌。簪玉妬成茵。天借新晴色。雲
鏡落日春。嵐光垂處合。眉黛看時頻。願與仙槎
比。無令惹路塵。

贈洞口苗居士

歲晏樂林維。摩契道心江。雲寒不散度。雪夜方
深酒。勸漁人飲詩。憐稚子吟。回却多壘日。勉

我捨朝簪

同志顧雲下第往京偶有寄勉

鳳策聯華是國華顧雲著聯華日春來偶未上仙

槎鄉連南渡思菰米淚滴東風避杏花吟聒暮

鶯歸廟院睡消遲日寄僧家一般情緒應相信

門靜蒨深樹影斜

自適

紫陌奔馳不暫停送迎終日在郊坰年來鬢畔

未垂白雨後江頭且踏青浮蟻滿盃難暫捨

珠一曲莫辭聽春風祇有九十日可合花前半

日醒

權第後入蜀經羅利路見海棠盛開偶

上國休誇紅杏絕深溪自照綠苔磯一枝低帶

流鶯睡數片狂和舞蝶飛堪恨路長移不得可

無人與盡將歸手中已有新春桂多謝煙香更

八衣

右省補闕張茂樞同存諫垣鄰居光德

迭和篇什未嘗間時忽見貽謂谷將來

履歷必在文昌當與何水部宋考功為

傳谷雖賦于風雅實用兢惶因抒酬寄

何宋清名動粉闈不才今日偶陳詩考功豈敢

聞題品水部猶須繫挈維積雪巷深酬唱夜落

花牆隔笑言特紫垣名士推揚切為話心孤倍
感知紫微中表薛公博重譽願故深有神此象即紫

菊

王孫莫把此荆蒿九日枝枝近鬢毛露濕秋香
滿池岸由來不羨瓦松高

荔枝樹

二京曾見畫圖中數本芳菲色不同孤棹今來
巴徼外一枝煙雨思無窮夜邛城近含香瘴杜
宇巢低起暝風賜斷渝瀘霜霰薄不敵葉似灞
陵紅

次韻和禮部盧侍郎江上秋夕寓懷

望郎到處覺風生蜀郡留連亞相情時中驂門在
遇夫待亂後江山悲庾信夜來煙月屬袁宏夢
歸蘭省寒星動吟向莎洲宿鷺驚未脫白衣頭
半白叨陪屬和倍為榮

讀前集二首

殷璠鑿裁英靈集頗覺同才得深何事後來
高仲武品題間氣未公心
風騷如線不勝悲國步多艱即此特愛日蒲堦
看古集祗應陶集是吾師

寄司勳張貞學外士

平昔偏知我司勳張外郎昨來聞叔擾憂甚欲

顛狂煙暝搔愁鬢，春陰賴酒鄉。江樓傳不得，橫
笛數聲長。

深居

吾道有誰同，深居自固窮。殷勤謝綠樹，朝夕惠
清風。書滿閑窓下，琴橫野艇中。年來頭更白，雅
稱釣魚翁。

宜春再訪，芳公言公幽齋寫懷敘事因

賦長言

入門長恐先師在，香印紗燈似昔年。澗路縈迴
齋處遠，松堂虛豁講聲圓。頃為弟子曾同社，今
忝星郎更契緣。願渚一甌春有味，中林語舊亦

泮然

雲臺編卷下

